

Ll'amico!

Dint'a na stratulella 'e ~~Quint'Amore~~ **QUINT'AMORE**
ce sta na guagliuncella bbella assaje:
dduje uocchie, na vucchella, ... oj cche passione
mm'ha miso 'mpietto e nun m'a scordo maje!

'E vvote, quann'a 'ncontro, lle dicesse
parole 'e fuoco, fras'ammore ardente!
Ma pò, comme si 'a voce nun vulesse,
'a guardo sulo, ... e nun lle dico niente.

Ll'atrjere mme sò mmiso miez'a strata,
deciso, finalmente, d'a fermà.

Ma quanno ll'aggio vista, s'é 'nzeppata
'a lengua, senz'a forza 'e risciata!

"Mme resta na speranza! "aggio penzato:
"lle manno, mò, n'amico c'a mmasciata!"
E' gghiuto, ma, ... aspettànnelo, scujtato,
ll'aggiò ncucciate ll'uno, mbracci'a l'ata!

Anna Campese (1974)